

Radunanza generala dal CAS EB, ils 1 da mai 2007, al restorant Tarasp a Tarasp

Nossa presidenta Gianna Rauch Poo driva la radunanza generala a las 20.00 e po salüdar a 52 commembras e commembers chi han chattà la via per gnir a nossa radunanza generala. Davo divers salüds specials bivgniainta ella a Christian Fanzun, il presidnet da cumün da Tarasp chi da il bivgniaint official dal cumün e surpiglia a listess mumaint eir la prüma runda da bavrondas. Ün cordial grazcha fich al president da cumün. Divers commembers s'han laschè s-chüsar o a bocca o in scrit. Sco dombravuschs funcziunan Annina Kasper e Burtel Stupan.

Tractandas:

1. Protocol da la radunanza generala dals 18.04.06 a Scuol

Il protocol da la radunanza generala dals 18 avrigl 2006 a Scuol vain prelet ed approvà cun applaus.

2. Rapport da la presidenta

Gianna rapportescha sur da sia lavur sco presidenta dal CAS EB. La suprastanza ha fat diversas tschantadas e la presidenta es ida a sezzüdas our da la val per seguir la politica federala e chantunala dal CAS.

La fin d'october 2006 vaina fat üna pitschna festa da jubilàum per 10 ons custodi da nossa chamonna Linard vi San Jon. Blera glieud a tut part ed il rebomb deira fich positiv. In connex cun la festa vaina preschentà la valütaziun da nos questiunari da la chamonna Linard.

Pro la festa sül stradun 2006 da Scuol d'eira organisà üna paraid da rampignar, la quala es statta custodida d'ürant il di da nos commembers per sgürar.

No vain pajà our da nossa chascha ün pitschen import finanziel per metter ad ir il üert da rampignar ad Ardez. Las rutas sun descrittas aint ün nouv cudesch, il qual as po chattar aint il chantunet da cudeschs a Scuol.

Gianna infuormescha cuort cha'l cumün da Müstair es gnü invers nossa secziun cun la proposta da surtour l'alp Sprella in Val Mora sco nouva chamonna da SAC. L'alp Sprella as rechatta aint la nouva zona da biosphera. Infuormaziuns detagliadas seguan a temp ütil.

Il CAS central ha elavurà ün nouv reglamaint per las chamonnas. Implü daja novs reglamaints eir per persunas chi mainan gitas dal CAS, pero chi nu sun guidas da muntogna.

Irma Egler e Simon Viletta han surdat lur incumbenza sco manaders dals seniors a Jon Poo Werro ed a Lüzza Rauch. Ad Irma e Simon ün sincer grazcha fich per lur ingaschamaint.

I circulescha üna glista cun tuot ils nouventrats ed ils sortits, uschè cha Gianna desista da tils preleger. Gianna da ün cordial bivgniaint a tuot ils nouventrats. Onurificaziuns vaina differentas per quist on. Vaira suot la tractanda 7. Duos commembers ans han bandunats per adüna, quai sun Adolf Bisaz da Cuaira e Markus Christoffel da Silvaplana. La radunanza s'adozza in lur memoria.

Gianna ingrazcha als guardia chamonnas da Tuoi, Lischana ed eir a tuots da la Linard, als schefs da chamonnas, a la grupp da salvamaint, a la grupp da chans, als manaders dals CAS e OJ cul coach, revisuors da quint ed als redacturs da nossa gazettina e la pagina d'internet.

Gianna ingrazcha als 742 commembers da nossa secziun per lur fiduzcha. Implü ingrazcha ella a tuot la suprastanza per la lavur prestada in nossa secziun. Il rapport da la presidenta vain approvà cun applaus.

3. Rapports dals differents schefs

3.1 Chef da gitas

Christian Wittwer rapportescha cuort sur da las activitads dal 2006/07. Tuot las gitas da la stà 2006 sun gnüdas manadas tras. Las gitas d'inviern han eir pudü gnir manadas tras pigliond oura üna. Dürant l'inviern d'eira üna media da 10 personas chi han frequentà las gitas. Grond rebomb ha chattà la gita da famiglia chi ha manà dal pass dal Resia fin gio Kaltern cul velo. Passa 40 personas han partecipà. Ün bun e grond success. Christian pero spera cha in avegnir chattan amo plüssas personas la storta per tour part a nossa gitas. Christian ingrazcha a tuot ils manaders chi sun stats pronts dad organisar üna o tschella gita.

3.2 Chef da salvamaint

Jöri Felix rapportescha sur dals divers salvamaints cha la grupp da nossa secziun ha gnü. Eir la grupp da chans ha gnü divers salvamaints e cuors. Puchadamaing haja eir dat quatter morts. Aint illa colona da salvamaint haja dat differents müdamaints interns. A tuot quels chi han güdà d'ürant l'on scuors pro salvamaints, pro l'organisaziun, pro cuors ed oter plü ingrazcha Jöri fich.

3.3 Chef da chamonnas

Dürant la mità da la stà 2006 sun Babina e Chasper Planta stat ils mainagestions da la chamonna Lischana. Davo pro ha surtut darcheu Heinz sia lavur. Eir quista stà sarà Heinz darcheu sün chamonna. No vain stuvü restituir il generatur da la chamonna Lischana causa cha quel cha no veivan cumprà davu la renovaziun nun ha manà la prestaziun bsögnaivla.

A regard il questiunari da la chamonna Linard vaina gia infuormà d'ürant la festa da jubilàum sü San Jon. No vulain tour per mans ils puncts bsögnaivels amo quista prümavaira avant co chi cumainza la stagiun da stà. Pero il problem cun la paca aua varana eir amo quista stà.

Aint in Tuoi sun previs differentas lavuors da müdamaints. Previs vaina da refar differentas fnestras, dad isolar la fatschada süd, da piturar ils uschögls, d'ameglrar il fluss da lavuors aint ed intuorn la cuschina, nüzchiar meglder il prüm local pro l'entrada cun spostar la schala. Previs esa üna radunanza extraordinaria per preschentar ils cuosts ed ils detagls. Davo dumandaina sustegn al CAS central e da prümavaira dal 2008 vulaina cumanzar cun las lavuors.

No eschan darcheu landervia a restampar nos cudeschin da las chamonnas. Quel es üna fich buna recloma per nossas chamonnas ed eir per nos club.

3.4 Chef OJ

Chasper Alexander Felix preschainta seis rapport a man da bellischmas dias fattas d'ürant l'on scuors. La partecipaziun dals giuvenils a las differentas gitas es exemplarica. In media piglian part 15 giuvenils a mincha gita da l'OJ. Tuot las gitas sun gnüdas manadas tras sainza accidaints. No vain duos nouv manaders - Chasper Buchli ed Armon Feuerstein - chi han absolt ils cuors necessaris. Sinceras gratulaziuns. Chasper Alexander ingrazcha als manaders ed a tuot ils agüdants chi sustegnan las duos gruppas da l'OJ. Eir Chasper Alexander as giavüsches nouv commembers impustüt pro'ls tradeschins.

Ils differentes rapports vegnan fats bun cun applaus.

4. Rendaquint 2006 e rapport dals revisuors

Il rendaquint e'l rapport dals revisuors sun publichats aint illa gazettina. Il quint da gestiun 2006 muossa ün vanz da frs. 475.60. La facultà netta als 31.12.2006 s'augmainta sün frs. 199'639.69. Eir quist on as haja pudü far grondas amortisaziuns e la situaziun finanziaria da la secziun es fich buna.

Ils revisuors ingrazchan in lur rapport al chaschier per sia gronda lavur e propuonan acceptaziun dal quint 2006.

5. Dis-charg a la suprastanza

Il rendaquint 2006 vain acceptà cun vusch unanima e dat dis-charg a la suprastanza.

6. Contribuziun annuala

Per la contribuziun annuala dal 2007 propuona la suprastanza il seguant sco fin qua:

frs. 28.--	l'on per singuls commembers
frs. 56.--	l'on per famiglias
frs. 15.--	l'on per giuvenils in famiglias na commembers

La radunanza generala fa bun quista proposta.

7. Onurificaziuns dals veterans

Onurificaziuns vaina differentas per quist on:

25 ons commembers sun: Regula Büchler dad Ardez, Enrico Bisaz da Zernez, Armin Vock da Freienwil, Rudolf Mirer dad Obersaxen, Nuot Filli da Zernez, Jon Domenic Parolini da Scuol, Men Wieland da Scuol, Flurin Filli dad Ardez, Gisep Carpanetti da Lavin e Hans-Joachim Bergmann da Bad-Camberg (D).

40 ons commembers sun: Jon Cajos da Scuol, Daniel Linsel da Scuol, Lütza Rauch da Scuol, Michel Rauch da Scuol, Christian Steiner da Schaanwald, Coni Willy da Scuol, Guno Fischer da Turich e Roman König da Scuol.

50 ons commembers sun: Mathias Rizzi da Scuol e Andrea Müller da Zernez.

La presidenta surdà a tuot ils veterans manzunats i'l rapport üna medaglia resp. ün diplom e tils ingrazcha per lur fideltà.

8. Varia

La presidenta fa reclama per la reuniun d'Ascensiun insembel cun tuot ils commembers da las otras secziuns svizras. I circulescha ün fögl d'infuormaziun a regard.

Per finir ingrazcha Gianna a l'ustera chi ha avert il restorant bel ed aposta per no ed al cumün da Tarasp per la bavronda.

La presidenta serra la radunanza a las 22.00 e giavüscha a tuots ün bun arriv a chasa.

Scuol, 5 october 2007

Per il protocol:

Corsina Feuerstein Betschart
actuara

Gianna Rauch Poo
presidenta